

至令今日作骷髏作骷髏爾聽取七寶人身非易做須明性命  
似懸絲等閑莫逐人情去故將模樣畫呈伊看伊今日悟不悟

其三 落魄

我落魄我落魄渾身紙布爲衣着擺手行來萬事忘且喜一身  
空索索飢時覓困時睡元初本住清涼地慧劍輝輝奪日光無  
限邪魔皆遠離樂真閑成真趣邪逕荒涼我不去真靈剔正漸  
分明超然走上烟霞路得真修應了徹實卽得時無可說水晶  
宮殿鎮安閑勘破春花與秋月

又

我落魄我落魄衲布衲禡常恁着信意飄飄物外遊到處空空  
道藏輯要 水雲集 去 胃集五  
無倚托或居鄉或城郭不會書符并貨藥飢卽巡門覓一錢飽  
來萬事齊拈卻處閑閑無用作人情細細須除削龍虎嬰姪總  
不能默默醍醐常飲酌不做善不生惡坐臥去來空索索一片  
清閑冷淡心從他四大任淪落絕關機無忖度不望乘雲與跨  
鶴逍遙自在趣貧閑贏得隨緣恁安樂

繼丹陽師叔了髻吟韻

鍾呂海蟾爲宗祖繫玉鐘今動金鼓撞透中間一點明跳出靈  
童當面舞我恁喬不是喬喬話其中隱不喬真正言無諂語絕  
盡塵埃機與慮提離男挈坎女將領黃婆遊淨土住與行坐與  
睡或披氈或紙被靜靜清清常恁地半如癡半似俏癡俏中間

還自曉這般消息少人知一味清虛寂淡宜喜是嗔嗔是喜顛  
倒元來我是你千魔萬鍊見元初了了了心方到底

示門人語錄

凡人輪迴生死不停只爲有心得山云心生則種種法生心滅  
則種種法滅若一念不生則脫生死何爲有心蓋緣眾生有貪  
嗔癡三毒孽無明心師父云跳出三山口是也悟人所以修行  
割情拚愛摧強挫銳降伏除滅眾生不善心要見本來父母未  
生時真性本來面目是也何爲不善心一切境上起無明心慳  
貪嫉妬財色心種種計較意念生滅不停被此孽障舊來熟境  
朦昧真源不得解脫要除滅盡卽見自性如何名見自性十二  
道藏輯要

水雲集

七

胃集五  
X一十

時中念念清靜不被一切虛幻舊愛境界朦昧真源常處如虛  
空逍遙自在自然神氣交媾沖和修行如了此一事更有何生  
死可怖更有何罪孽可懼如稍生一念不爲清淨卽是罣碍不  
名自在如何到得只要諸公一志如山不動不搖向前去逢大  
魔盡此一身永無迴顧前期必了晉真人云心清意淨天堂之  
路心荒意亂地獄之門

詞

醉江月

吾門三祖是鍾呂海蟾相傳玄奧師父重陽傳妙語提挈同超  
三島慢慢搜真靈根固養漸吐黃芽草無中還有慧風時送嘉